

Tarptautėnė Muziejų dėina – bovusiuo Kretinguos grafū Tiškevīčiu dvara suodībuo

MUKIENĖ DANUTĖ

AUTUORĖS PORTĖGRAPĖJUOS – KRETINGUOS TĖTRA
STUDĖJĖS KUOJŪKININKU PASĖRUODĪMA AKIMIRKAS

Kuožnās metās pavasari, ka vēsor aplinkou suodnā linkst nu žėidū – gegužės 18 dėina, muziejininkā švėntėn savo pruofošėnė švėntė. Paskotėnēs metās tapa tradicėjė tuokė prugo Lietovuos muziejų asociacėjė priklausontiu muziejų darbuotuojemis rinktėis vēinamė koremė nuors muziejou – tamė, katruo darbuotuojou tou meta īr iteikama Lietovuos muziejų asociacėjės metu muziejininka premėjė.

2010 m. gegužės 17 dėina tuoki premėjė už reikšmingu, unikaliū ekspouonatu kaupėma, ekspouonavėma,



Kretinguos tėtra studėjės kuojūkininku pasėruodīma so malonuomo stebiejė ēr 2010 metu Lietovuos muziejininkis, Kretinguos muziejiaus istoriks Kanarsks Julios (pėrms iš kairies) so sava šeimo

sauguojėma ēr inpormacėjės aple anus sklaida bova paskėrta Kretinguos muziejiaus istorikou Kanarskiou Juliou, tad gegužės vēdurie muziejininkā rinkuos i bovosė Kretinguos grafū Tiškevīčiu dvara suodība, katruo jau ēlga laika veik Kretinguos muziejus (dėrektorė – aktīvi, truopni žemaitiu kultūrėnė jodiejėma organizatuorė

(Nukelta i 6 p.)





(Atkelta iš 5 p.)

Kretinguo ar anuos apīlinkies Kanapkienė Vida.

Ta premėjė, ka ė nedėdėlė (2 000 Lt), bet garbinga ėr vėsumet pelnīta, nes anou skėr patīs muzieju specialistā (Lietovuos muzieju asuocėacėjės tarība).

J. Kanarsks – dvijū knīngu autuorios: „Kretinga: praieities skraistė praskleidus“, „Kretingos dvaro savininkai“. Uns ėr spaudā parėngės ėr daug mažesnės apimtėis leidėniū, tuokiū kāp „Kretingos rajono piliakalniai ir alkakalniai“, „Imbarės žemė: žvilgsnis į 755 metų praieitį“, „Etnokultūrinė Igno Jablonskio veikla“, „Salantų regioninio parko kultūros paveldas“, „Kretingos muziejaus archeologinių tyrinėjimų apžvalga (1958–2008 m.)“ ėr kt. Uns ėr ėr daugībės išlėiktamoujė vertė turintiū straipsniu, paskelbtū spauduo, ivairiūs kėtūs leidėniūs, autuorios. Už nuopelnus muziejinkīstė, už darba, atlėkta kultūras pavelda tīriniejėmu sritie, J. Kanarsks 2006 m. bova apduovėnuots Kretinguos rajuona savėvaldībės kultūras ėr mena premėjė.

Švėntės dėina susirinkusius muziejinkius (šin karta daugiausė anū bova atvīkė iš Žemaitėjės) pasveikėna Kretinguos mena muokīklas potamūju orkestros (va-duovs Bružos Alvīds). Vėsus sožaviejė ėr sava prufe-





siuonalomo, išradingomo nostebėna Kretinguos tėtra studėjės „Atžalėns“ kuojūkininku grupė (vaduovs, režisierios Verbutis Algimants), katra atlėka miniatiūra „Atspindė veidruodiūs“. Iškilmingis šventės atėdarėms, apduovėnuojėms vėka Kretinguos dvara rūmūs.

Šventė organizava Kretinguos muziejos ėr Lietovuos muzieju asuoćėcėjė.

